

Zeitschrift: L'ami du patois : trimestriel romand
Band: 12 (1984)
Heft: 46

Artikel: Patêjan de la Grevire
Autor: Chudan, R.
DOI: <https://doi.org/10.5169/seals-241161>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 21.05.2025

ETH-Bibliothek Zürich, E-Periodica, <https://www.e-periodica.ch>



A vo ti, brâvo j'èmi dè nouthon
tan bi è galé patê,

No no chin pâ røyu du la dêrîre
athinbyâye ke chè tinyête a la
Méjon-dè-Vela a la Toua, le 29
d'èvri 1984.

Chti tsôtin, di j'on chon jelâ
a la mâ, di j'ôtro chon chobrâ
din nouthon bi payi. L'an j'ou

l'èpâhyo d'admirâ di rude balè kotsè, di kotsè ke l'avan
djêmé yuchè ou bin pâ røyuchè du la mobilijachyon.

Vo j'alâdè krêre ke no j'alâvan oubyâ kôkon. N'ochi pâ
pouêre, no moujin achebin a nouthrè brâvo j'armayi.

Pèrdenâdè-no, vo ti, brâvo j'armayi bin d'amâ, ch'on vo
di ke vo j'i j'ou lè pye balè vakanthè. No le chan, vo
j'i chyâ to le tsôtin, chin lyè chur, vo j'irâ abadâ, ti
lè matin dèvan ke le chèlâ guinyichè intrèmi di frîthè è
vo j'irâ djêmé rèvou.

Ma, vo j'i j'ou le bouneu d'akuyi din la frètchà di bi ma-
tin, d'oure le bri di hyotsète, la brijon dè l'oura ou-
toua de la bouârna, lè karkachyè dou tenêvro ke l'èko rin-
vouyivè d'on vani a on'ôtro. Vo j'i trouvâ la mocha onkora
tota mouva dè rojâ è vo vo j'ithè arèthâ dèvan na bala
trotse dè balè-h'èthêlè in chintin la karèthe dou chi è
la ridyeu di ré d'on chèlâ bourlin. Vo j'i pachâ intrèmi
di bochon dè dzintiyè; Vo j'i pu rèvêre le pekoji di vani,
lè dzanthannè, la rê d'ouâ, lè grejalâ è lè j'anpê è, a
rinda le tsalè, lè grantè fyâdzè. La yê bala bleuve, lè
vani, le ryô ke kâlè, na pitita dutchire, lâ j'adzè, l'è
chin, la byoutâ dè nouthra bala Grevîre.

Chédè benni, brâvo j'armayi! Le Bon Dyu vo j'a chyê pêchke
vo j'amâdè to chin ke l'a krèâ.

E, apri chti tsôtin, apri la rindya, no j'arin le pyéji dè
vo rèvêre a l'athinbyâye ke chè tindrè a Erbivouè demindze
7 d'oktôbre .

N'alâdè pâ krêre ke vouthon komité l'è chobrâ badê. No no
chin røyu chovin po vo j'inkotchi ôtyè ke vo rëdzoyèrè le kâ
In-èchpèrin vo rètrovâ ti in bouna chindâ, no vo chaluin
bin kordialamin.

Adiche-vo!

po le komit : R. Chudan